



ALBA | CHRUTHACHAIL

# Crannchur Nàiseanta Maoin Fhosgailte do Bhuidhnean

**Stiùireadh do luchd-tagraidh**  
Ùraichte sa Ghearran 2023



Awarding funds from

**THE NATIONAL LOTTERY®**

# Clàr-innse

- 3 - Geàrr-chunntas
- 3 - Carson a tha a' mhaoin ann?
- 4 - Dè seòrsa gnìomhachd don toir a' mhaoin taic?
- 5 - Dè na riaghailtean maoineachaidh a chleachdas sinn gus tagradh a mheas?
- 6 - Rudan ris nach cur a' mhaoin taic
- 8 - Cò a dh'fhaodas / nach fhaod tagradh?
- 9 - Cia mheud a dh'fhaodas mi iarraidh?
- 9 - Cuin a nì mi tagradh?
- 9 - Dè cho fad 's a bheir e co-dhùnadh fhaighinn?
- 9 - Cuin a nì sibh ur tagradh?
- 10 - Cia mheud tagraidh as urrainn dhomh a dhèanamh?
- 11 - Na riaghailtean a thaobh ath-thagraidhean.
- 11 - Ciamar a chuirear iarrtas a-steach
- 12 - A' lìonadh na bileag air-loidhne
- 13 - Mun bhuidhinn agaibh
- 14 - Mun phròiseact no gnìomh agaibh
- 14 - Riaghailtean Maoineachaidh – Càileachd agus Miann adhartais
- 15 Riaghailtean Maoineachaidh – Conaltradh
- 16 - Riaghailtean Maoineachaidh – Co-ionannachdan, Iomadachd agus Ion-ghabhalachd
- 17 - Riaghailtean Maoineachaidh – Seasmhachd Àrainneachd
- 17 - Riaghailtean Maoineachaidh – Obair Chothromach
- 18 - Riaghailtean Maoineachaidh – Eadar-nàiseanta
- 19 - Stiùireadh agus Cunnart
- 19 - Buidseat
- 21 - Sgrìobhainnean taic agus fiosrachadh a bharrachd
- 21 - Pròiseas Co-dhùnaidh
- 22 - Co-dhùnadh Maoineachaidh
- 25 - Ceistean Bileag Tagraidh
- 28 - Eàrr-ràdhan

# Geàrr-chunntas

- **Chaidh Maoin Fosgailte do Bhuidhnean a' Chrannchuir Nàiseanta ath-leasachadh agus ath-thòiseachadh sa Ghearran 2023.** Tha i a' dol an àite na Maoin Fosgailte: Mhaoin Taic Chruthachail a bha a' dol eadar 2020 is tràth ann an 2023.
- Faodaidh buidhnean cur a-steach airson eadar **£1k - £100k** airson pròiseactan no prògraman gnìomhachd cruthachail a mhaireas suas ri 18 mìosan.
- Measar a' mhaoin a-rèir **6 prìomh riaghailtean**, nam measg cuimseachadh a bharrachd air **co-ionannachdan, obair chothromach agus seasmhachd àrainneachd.**
- Bithear a' cur iarrtasan a-steach a-nis tron **làrach tagraidh air-loidhne againn**, agus tha sinn air am pròiseas tagraidh a dhèanamh **a rèir na tha de mhaoineachadh a tha sibh a' sireadh** - ag iarraidh nas lugha de fhiosrachadh bhuapasan a tha a' sireadh nas lugha airgid.
- Bidh stuthan stiùiridh ma maoin rim faotainn ann **am farsaingeachd cruthan ruigsinneach** mar thaic do àireamh cho mòr de thagraidhean agus a ghabhas.
- Leanaidh a' mhaoin a' toirt taic do bhuidhnean **gus raon farsaing de gnìomhachd cruthachail a lìbhrigeadh.** Mar eisimpleir, nam measg, tha maoineachadh airson:
  - **pròiseact no toradh** sònraichte **aon uair**
  - ùine **rannsachaidh agus leasachaidh chruthachail**
  - **prògram obrach** fad-ùine.
- Faodaidh e cuideachd taic a thoirt do bhuidhnean gus **leasachadh gnìomhachais is eagrachaidh** a ghabhail os làimh a bhios:
  - ag àrdachadh **seasmhachd a' gnìomhachais** aca tro bhith a' leasachadh sruthan teachd-a-steach ùra no nas eadar-mheasgte no
  - a' beachdachadh air cosgaisean **leasachaidh eagrachaidh** nas fharsainge.
- Thèid a' mhaoin a chuir air bhog sa Ghearran 2023 agus tha i **fosgailte fad na bliadhna gun chinn-là sam bith.**
- Gheibh tagraichean **co-dhùnadh** mun tagradh aca:
  - taobh a-staigh 8 seachdainean obrach** bho chuireadh a-steach ma tha an t-iarrtas airson nas lugha na £20k
  - taobh a-staigh 12 seachdainean obrach** bho chuireadh a-steach ma tha an t-iarrtas airson eadar £20k - £100k

Tha sinn a' sùileachadh gum bi farpais mhòr ann airson na maoin seo agus i ag amas air taic a chur ri iomadh seòrsa gnìomh. Gus an dèanar co-dhùnaidhean fiosraichte a thaobh dè na tachartasan ris an toir sinn taic feumaidh tagraidhean fios mionaideach a chumail ruinn gus am faigh sinn air na co-dhùnaidhean as fheàrr a dhèanamh a rèir nan riaghailtean foillsichte againn.

## **Dè seòrsa gnìomhachd don toir a' mhaoin taic?**

Chìthear eisimpleirean gu h-ìosal den t-seòrsa gnìomhachais ris an cur a' mhaoin taic, chan eil an liosta seo iomlan:

- Leasachadh, leigheas, riochdachadh agus taisbeanadh obrach ùir
- Cothroman lìonrachaidh agus co-obrachaidh
- Rannsachadh agus leasachadh
- Gnìomh leasachadh eagrachail, far a bheil an gnìomhachd buailteach cur ri barrachd seasmhachd eagrachail, barrachd conaltraidh phoblaich, barrachd seasmhachd àrainneachail no leasachadh eòlas/sgilean taobh a-staigh na buidhne
- Leasachadh proifeiseanta a' gabhail a-steach trèanadh, comhairleachadh, leasachadh sgilean airson luchd-obrach, bòrd, luchd-ealain agus luchd-obrach cruthachail
- Gnìomh a tha a' toirt taic do luchd-ealain agus a' greimeachadh ri neo-ionannachd
- Leasachadh sluaghan-amhairc
- Leudachadh com-pàirt agus conaltradh ann an gnìomhachd chruthachail

# Dè na riaghailtean maoineachaidh a chleachdas sinn gus tagradh a mheas?

Bidh sinn a' lorg sia prìomh buaidhean ann an tagradh – tha còig dhiubh riatanach, agus aon a rèir roghainn. Feumaidh tagraidhean innse dhuinn ciamar a fhreagras am planaichean air na leanas:

- **Sàr-mhathas agus Miann adhartais:** taic do dhaoine agus buidhnean a tha ag obair ann an ealain agus cruthachalachd gus obair a dhèanamh de dh'ìnbhe agus miann adhartais a chuireas ri beatha ann an Alba do na h-uile.
- **Conaltradh:** gum faicear tuilleadh dhaoine bho air feadh ar coimhearsnachdan a' dol an lùib agus a' cur luach ann am farsaingeachd gnothaichean ealain cruthachail.
- **Co-ionannachdan, Iomadachd agus Ion-ghabhalachd:** a' toirt taic do bharrachd iomadachd de dhaoine, coimhearsnachdan agus gnìomhachd cruthachail, agus ag adhartachadh co-ionannachd chothroman airson cruthachadh, com-pàirteachadh agus dol an sàs.
- **Seasmhachd Àrainneachd:** a' cuideachadh leis an strì ri èiginn na gnàth-shìde agus a' cumail taic ri fàs gnìomhachasan cruthachail seasmhach air feadh Alba.
- **Obair Chothromach:** a' coiteachadh airson pàigheadh, cumhaichean agus cothroman cosnaidh cothromach air feadh na roinne cruthachail.
- **Eadar-nàiseanta (a rèir roghainn do thagraidhean a bhuineas do ghnìomhachd eadar-nàiseanta):** a' dealbhachadh dòighean ùr-ghnàthach agus seasmhach gus co-obrachadh eadar-nàiseanta a neartachadh agus iomlaid ealain agus cultarach adhartachadh.

Measaidh sinn cuideachd cunnartan stiùiridh agus ionmhais an cois ur tagraidh, a rèir an fiosrachaidh a bheirear seachad nur tagradh agus nur buidseit pròiseict.

Airson tuilleadh fiosrachadh mu na riaghailtean sin, carson a tha iad cho cudromach agus a thaobh nam buil dan cur iad, thigibh do ar [làrach-lìn](#)

# Rudan ris nach cur a' mhaoin taic

Tha cuid de ghnìomhan sònraichte ann ris nach cur sinn taic tron mhaoin seo, chan eil iad gu lèir air an liosta seo:

- Gnìomh nach eil **ceangailte ri dleastanas Alba Cruthachail** taic a chumail ri na roinnean ealain, cultarach agus cruthachail.
- **Tachartasan a ghabh àite mar-thà** no a tha air clàr-ama airson tachairt mun ruig sinn co-dhùnadh mun tagradh agaibh.
- **Cosgaisean gnìomhachais tòiseachaidh** airson companaidhean ùra, agus/no **cosgaisean ruith leantainneach aig companaidhean a bhios a' cuairteachadh prothaid.**
- **Pròiseactan no gnìomhan film, sgrìn no telebhisean:** Chan airidh riochdachadh agus sgaoileadh filmichean no stuth craobh-sgaoilidh gnìomh bheò, beò-dhealbhadh no fiosrachaidh a nithear gu cruthachail airson sgaoileadh coimearsalta RA agus/no Eadar-nàiseanta tro sianail sam bith air taic tron mhaoin seo agus bu chòir buidhnean sam bith a tha ag iarraidh taic do na pròiseactan sin tadhal air [Sgrìn Alba](#).

Ma bhuineas am pròiseact do stuth film, bhideo, beò-dhealbhadh agus fuaim neach-ealain far as e film/bhideo/beò-dhealbhadh/fuaim meadhan obair an neach-ealain (leithid film neach-ealan-shùla, fiosrachadh cruthachail a tha a' gabhail a-steach luchd-ealain, dannsa do/air sgrìn, filmichean facal a labhairt, podcastan cruthachail, dràma radio fo stiùir neach-ealain agus ealan fuaime) faodaidh buidhnean tagradh a dhèanamh tron mhaoin seo.

- Gnìomh a bhuineas do **fhoghlam acadaimigeach ann an Àrd Foghlam no Foghlam Adhartach**, a' gabhail a-steach ionmhas do ghnìomhan fo stiùir no a' gabhail a-steach oileanaich làn-ùine, airgead do chosgaisean teagaisg FE/HE, no pròiseactan a tha nam pàirt de chùirt chlàraichte no gnìomh bun churraicealam.
- **Ealain choitcheann no gnìomhan cruthachail ann an sgoiltean.** Gabhaidh gnìomh fo stiùir neach-ealain a tha a bharrachd air toirt seachad bun churraicealam agus a nochdas obair chom-pàirteachail shoilleir ma thig an tagradh bho bhuidhinn fhreagarrach ealain agus ma chuireas an gnìomh ri na ionnsaichear.
- Gnìomhan foillseachaidh a chuireas taic ri **obair acadaimigeach, naidheachd no fiosrachadh.** Gabhaidh seo a-steach obair a nithear airson cinn-uidhe

foghlaim, agus obair nach eil a’ cuimseachadh bho thùs air freagairtean cruthachail dhan chuid susbaint.

- **Obair togail aig ìre mhòr no sgrùdaidhean so-dhèantachd** airson pròiseactan togail
- **Ionmhas do uidheamachd a-mhàin.**
- **Gnìomh a nithear gus prothaid a dhèanamh** agus gun bhuannachd phoblach shoilleir.
- Ionmhas a tha mar phrìomh amas a’ sireadh **maoin gus airgead a thionail a chum adhbhairean eile.**
- **Cosgaisean eadar-theangachadh do luchd-foillseachaidh eadar-nàiseanta.**
- **Fèin-foillseachadh** (ach a-mhàin anns na h-Ealain Shùla).
- **Dèanadas a ghabhas àite taobh muigh na h-Alba** fo stiùir tagraichean a tha stèidhichte taobh a-muigh na h-Alba, gun chom-pàirtichean stèidhichte ann an Alba na lùib.
- **Gnìomhan eile far am biodh e na bu fhreagarraiche dhaibh taic fhaighinn bho phrògram maoin eachadh Alba Chruthachail no Sgrìn Alba eile.** Nam measg, tha:
  - Riochdachaidhean a bhiodh airidh air a’ Mhaoin Turais airson Dealbhan-cluiche agus Dannsa
  - Pròiseactan ceòl òigridh a bhiodh freagarrach don Iomairt Ciùil Òigridh
  - Pròiseactan Film/telebhisean/sgrìn a bhiodh freagarrach do mhaoin Sgrìn Alba
  - Tabhartasan coimhearsnachd beaga a tha airidh air maoin Duaisean dha na h-Uile a’ Chrannchuir Nàiseanta.
- **Gnìomh a fhuair taic mar-thà bho mhaoin Alba Cruthachail/Sgrìn Alba** (bho Mhaoin fhosgailte a’ Chrannchuir Nàiseanta do Bhuidhnean, Maoin Phrògram Leudaichte a’ Chrannchuir Nàiseanta no prògram Alba Cruthachail/Sgrìn Alba sam bith eile) agus a tha a’ sireadh tuilleadh airgid bharrach.

Ma tha cuideachadh a dhìth oirbh, agus sibh airson dèanamh soilleir a bheil sibh no ur pròiseict freagarrach, no ma thathas airson bruidhinn mu cheistean eile mun mhaoin seo, cuiribh fios gun t-Seirbheis Ceist againn.

Post-d: [enquiries@creativescotland.com](mailto:enquiries@creativescotland.com)

Maoin Fhosgailte do Bhuidhnean a’ Chrannchuir Nàiseanta – Ùraichte sa Ghearran 2023 | 7

## **Cò a dh'fhaodas iarrtas a chur a-steach?**

Faodaidh seòrsa sam bith de bhuidhinn ealain, cruthachail no cultarail stèidhichte ann an Alba tagradh a dhèanamh, ach leis gu bheil a' mhaoin a' tighinn bhon Chrannchuir Nàiseanta agus rùin roimpe taic a chur ri gnìomh a chum math an t-sluaigh, chan eil e coltach gun soirbhich le pròiseact sam bith a shireas taic airson gnìomhachd malairteach far a bheil am prìomh adhbhar prothaid a chruthachadh.

Faodaidh buidhnean stèidhichte taobh muigh Alba, ach a tha ag obair le uallach don RA gu lèir, tagradh ma bhios a' mhaoin airson gnìomhan a ghabhas àite ann an Alba, agus a bhios gu buannachd do dhaoine ann an Alba.

Faodaidh tagraichean eile stèidhichte taobh muigh Alba beachdachadh cur a dh'iarraidh taic ma bhios iad ri gnìomh a thachras ann an Alba, iad ag obair còmhla ri com-pàirtichean stèidhichte ann an Alba, agus comas aca sealltainn gu bheil an obair gu buannachd an fheadhainn a tha stèidhichte an seo.

Feumaidh cunntas banca RA fo ainm na buidhne tagraidh fhèin a bhith aig gach buidheann a nì tagradh.

## **Cò nach fhaod iarrtas a chur a-steach?**

Thoiribh fa-near nach eil an liosta seo iomlan.

- Buidhnean a dh'iarraas maoin airson gnìomh nach eil ceangailte ri dleastanas Alba Cruthachail agus nach buin ri roinnean ealain, cultarach agus cruthachail.
- Buidhnean le Maoineachadh Cunbhalach bho Alba Chruthachail (RFOs). Faodaidh RFO ainmeachadh mar com-pàirtiche ann an tagradh a nì buidheann eile do Maoin Fhosgailte do Bhuidhnean a' Chrannchuir Nàiseanta - ach chan fhaod RFOs tagradh a dhèanamh agus cha bu chòir gur iad a' phrìomh bhuidheann a gheibh maoin sam bith a bheirear.
- Buidhnean stèidhichte taobh muigh na h-Alba a dh'iarraas maoin airson gnìomh a ghabhas àite taobh muigh na h-Alba.
- Buidhnean ann an làmhan luchd-trusaidh nam fiach.
- Buidhnean, comainn no còmhlain neo-stèidhichte de luchd-ealain (bu chòir dhaibh tagradh a dhèanamh tron Mhaoin Fhosgailte do Dhaoine fa Leth). Tha feum aig Maoin Fhosgailte do Bhuidhnean a' Chrannchuir Nàiseanta air fianais air structar stèidhichte – faodaidh seo gabhail a-steach seòrsaichean leithid



com-pàirteachas, companaidh earranta le barantas, carthannas clàraichte, Buidheann Ùidh Coimhearsnachd Albannach no Companaidh Ùidh Coimhearsnachd.

- Daoine fa leth agus Luchd-malairt Aonarach (bu chòir dhaibh tagradh a dhèanamh don Mhaoin Fhosgailte do Dhaoine fa Leth).

## Cia mheud a dh'fhaodas mi iarraidh?

Faodaidh buidhnean freagarrach cur a-steach airson maoin eachaidh eadar **£1k - £100k** airson pròiseactan no prògraman a mhaireas **suas ri 18 mìosan**.

Ma tha sibh a' sireadh còrr air £100k agus taic 18 mìosan thoir sùil air [Maoin Phrògram Leudaichte a' Chrannchuir Nàiseanta](#).

## Cuin a nì mi tagradh?

Tha Maoin Fhosgailte do Bhuidhnean a' Chrannchuir Nàiseanta **fosgailte fad na bliadhna gun chinn-là sam bith**.

## Dè cho fad 's a bheir e co-dhùnadh fhaighinn?

Ma bhios ur tagradh, aon uair is gun dèanar e, làn, iomlan agus freagarrach:

- Ma chuireas sibh a-steach airson **eadar £1k agus £20k** cluinnidh sibh an co-dhùnadh ann an **8 seachdainean**.
- Ma chuireas sibh a-steach airson **eadar £20,001 agus £100k** cluinnidh sibh an co-dhùnadh ann an **12 seachdainean**.

Thoiribh fa-near: Ma thathas a' tagradh eadar an Dàmhair agus an Dùbhlachd, gun toir dùnadh oifisean air sgàth saor-làithean poblach thairis air àm na Nollaige buaidh air na clàran-ama sin. Thoiribh sùil air an làrach-lìn againn aig an àm seo airson fiosrachaidh.

## Cuin a nì sibh ur tagradh

Nur tagradh iarrar oirbh 'ceann-là tòiseachadh' innse mun ghnìomh agaibh. Feumar ur ceann-là tòiseachaidh a bhith às dèidh a' chinn-là nuair a chluinneas sibh an co-dhùnadh mun tagradh agaibh agus mholaidh sinn gu làidir tìde a bharrachd fhàgail cùmhnantan airgid a lìonadh agus iomlaid, agus airson a' chiad phàigheadh den

tabhartas a dhèanamh. Gabhaidh na pròiseasan 2-4 seachdain mar as trice bhon àm nuair a dh'innsear dhuibh mar a chaidh ur tagradh.

Tha na clàran-ama sin stèidhichte oirbh fhèin a bhith a' cur a-steach an fhiosrachaidh gu lèir a tha a dhìth aig àm an tagraidh. Ma tha fiosrachadh sam bith a dhìth no mura h-eil an tagradh iomlan, faodaidh seo dàil a chur dhan phròiseas agus cha thòisich an clàr-ama gum am measar an tagradh agaibh iomlan.

## Cia mheud tagraidh as urrainn dhomh a dhèanamh?

Chan fhaod ach **aon tagradh** a bhith aig tagraichean ann am pròiseas measaidh Maoin Fosgailte do Bhuidhnean a' Chrannchuir Nàiseanta **aig aon àm**. Tha am pròiseas measaidh a' ciallachadh an ùine bho bhith a' cur a-steach tagradh tron mheasadh agus a' dèanamh cho-dhùnaidhean chun na h-ìre nuair a thèid an co-dhùnadh maoineachaidh innse dhuibh.

Aon uair 's gu bheil co-dhùnadh tagraidh air a dhèanamh, agus ma gheibh sibh maoineachadh, faodaidh sibh aon iarrtas eile a dhèanamh airson maoineachadh ('s e sin aon duais / pròiseact beò 7 aon iarrtas eile).

**Mas e tagraiche no buidheann ùr a tha annaibh, gun Mhaoin Fosgailte beò: Duaisean Leasachadh Cruthachail Leantainneach a' dol air adhart an-dràsta:** faodaidh sibh aon iarrtas a dhèanamh airson beachdachadh aig àm sam bith. Fhad 's a thathar ga ghiollachd chan urrainn dhuibh tagradh eile a chuir a-steach.

**Ma tha sibh a' faighinn taic bhon Mhaoin Fosgailte an-dràsta: Maoin Leasachadh Cruthachail Leantainneach no Maoin Fosgailte do Bhuidhnean a' Chrannchuir Nàiseanta, le aon phròiseact maoinichte beò fhathast a' dol air adhart:** faodaidh sibh aon iarrtas eile a chuir a-steach airson beachdachadh, a dh'fheumas a bhith airson pròiseact no prògram obrach ùr, air leth bhon fhear bhon d' fhuair sibh maoineachadh roimhe seo.

**Ma tha sibh a' faighinn taic bhon Mhaoin Fosgailte an-dràsta: Maoin Leasachadh Cruthachail Leantainneach agus/no Maoin Fosgailte do Bhuidhnean a' Chrannchuir Nàiseanta, le dà phròiseact beò fhathast a' dol air adhart no aon phròiseact beò agus tagradh eile fo mheasadh:** chan urrainn dhuibh tagradh a-rithist gus am bi aon de na pròiseactan agaibh deiseil agus gu bheil na pàipearan sgrùdaidh pròiseict deireannach air an cur a-steach agus air an soidhnigeadh.

**Ma tha sibh air tagradh a chuir a-steach no air maoin eachadh fhaighinn bho Mhaoin Prògram Leudaichte a' Chrannchuir Nàiseanta:** faodaidh sibh an uairsin tagradh a dhèanamh airson a' mhaoin seo cuideachd, ach chan urrainn dhuibh ach aon iarrtas a chuir a-steach gu Maoin Fosgailte do Bhuidhnean a' Chrannchuir Nàiseanta, a dh'fheumas a bhith airson pròiseact gu tur ùr, fa leth agus air leth bhon fhear a chuir sibh a-steach (no a fhuair maoin eachadh) tro Mhaoin Prògram Leudaichte a' Chrannchuir Nàiseanta. Ma gheibh sibh maoin eachadh agus gu bheil sibh a' faighinn dà dhuais, chan urrainn dhuibh tagradh a-rithist gus am bi aon de na pròiseactan agaibh deiseil agus gu bheil na pàipearan sgrùdaidh pròiseict deireannach air an cur a-steach agus air an soidhnigeadh.

## **Na riaghailtean a thaobh ath-thagraidhean:**

Bidh cead aig neach sam bith a chuireas a-steach don mhaoin seo aon ath-thagraidh a dhèanamh às dèidh tagradh neo-shoirbheachail. Tha sinn a' moladh gu làidir gun iarr sibh leth-bhreac den làn mheasadh air an iarrtas a rinn sibh roimhe, gus an urrainn dhuibh dèiligeadh ri cùisean sam bith a chaidh an togail.

Thoir an aire gu bheil ath-thagraidhean a' leantainn nan aon chlàran-ama ri tagraidhean ùra – chan urrainn dhuinn dèiligeadh gu luath ri iarrtasan ath-thagraidh sam bith.

Faodaidh buidhnean a rinn aon iarrtas neo-shoirbheachail don Mhaoin Fosgailte: Leasachadh Cruthachail Leantainneach mar-thà cur a-steach a-rithist gu Maoin Fosgailte do Bhuidhnean ùr a' Chrannchuir Nàiseanta agus air sgàth atharrachaidhean mòra air slatan-tomhais maoin eachaidh agus foirm-iarrtais, cha mheas sinn seo mar ath-thagraidh.

Chan fhaod buidhnean a rinn dà iarrtas neo-shoirbheachail don Mhaoin Fosgailte: Leasachadh Cruthachail Leantainneach mar-thà tagradh a-rithist gu Maoin Fosgailte do Bhuidhnean ùr a' Chrannchuir Nàiseanta leis an aon phròiseact no prògram.

## **Ciamar a chuirear iarrtas a-steach**

### **Am foirm iarrtais air-loidhne againn**

Nithear tagradh airson Maoin Fosgailte do Bhuidhnean a' Chrannchuir Nàiseanta tro làrach air-loidhne Alba Cruthachail.

[my.creativescotland.com](http://my.creativescotland.com)

Thoiribh sùil air ar làrach-lìn gus am bithear cinnteach gu bheileas a’ cleachdadh an deasachaidh as ùire den stiùireadh againn.

## **An do rinn sibh tagradh leis ar làrach air-loidhne agus sibh clàraichte againn mar-thà?**

Faodar a-rèist dìreach ceangal ris an làrach, bruthaibh air ‘Ionmhas’ agus ‘Maoin Fhosgailte do Bhuidhnean a’ Chrannchuir Nàiseanta’ a thaghadh às an taghadh de phrògraman maoinachaidh a tha fosgailte an-dràsta ri tagraidhean.

## **An e tagraiche ùr a tha annaibh no neach a tha a’ clàradh air an làrach air-loidhne airson a’ chiad turus?**

Feumaidh sibh cunntas a dhèanamh dhan bhuidhinn agaibh. Rachaibh gu [my.creativescotland.com/signup](https://my.creativescotland.com/signup).

Nuair a bhios sibh ri clàradh iarrar oirbh cuid de sgrìobhainnean oifigeil a thoirt seachad mar fhianais dè seòrsa companaidh a tha agaibh. Gabhaidh iad sin ùrachadh rè a’ phròiseis tagraidh agus feumar iad gus tagradh a dhèanamh.

Aon uair is gu bheileas air an tagradh a chuir a-steach, gheibh sibh post-d barantachaidh gus an cunntas a dhearbhadh, faodar an uairsin clàradh a-steach agus cumail a’ dol mar a mhìnichear gu h-àrd. Fhad is a choileanas sibh ur tagradh, faodar obrachadh air dreachd de ur tagradh air-loidhne, sàbhalaibh e fhad is a thathas a’ dol air adhart agus tillibh thuige uair sam bith mus cuirear a-steach e.

## **Taic a dhìth agus sibh a’ lìonadh am foirm iarrtais air-loidhne?**

Ma tha cuideachadh a dhìth oirbh gus an tagradh air-loidhne a choileanadh air sgàth ciorram no feum ruigsinneachd, faodar bruthadh air putan cuideachaidh ‘Cuideachadh Ruigsinneachd’ san làrach air-loidhne.

Ma bhrùthar seo thig fios gun Sgioba Ceist againn mu na feumalachdan agaibh is chan fhada gus an cur neach-fastaidh fios thugaibh.

## **A’ lìonadh na bileag air-loidhne**

‘S e na leanas geàrr-chunntas den bhileig iarrtais agus na ceistean a dh’fheumar lìonadh sa bhileag air-loidhne.

## **Freagarrachd**

Iarraidh a’ chiad phàirt den phròiseas tagraidh fiosrachadh bhuaibh feuch am freagair sibh air an fhreagarrachd bunaiteach. Coinnichidh na tagraichean gu lèir ri na h-aon Maoin Fhosgailte do Bhuidhnean a’ Chrannchuir Nàiseanta – Ùraichte sa Ghearran 2023 | 12

iarrtasan air an ìre seo, chan eil diofar ann a thaobh dè na thathas ag iarraidh de dh'ionmhas no dè seòrsa pròiseact/gnìomh a thathas a' planadh.

Mura coilean sibh na riaghailtean airson freagarrachd, chan fhaigh sibh air cumail a' dol le ur tagradh.

Aon uair is gum bithear deiseil den ìre seo, faodar leantainn oirbh gu dìreach gus obair air ur tagradh.

## **A' Freagairt air na Riaghailtean Maoineachaidh**

Measar tagraidhean do Mhàoin Fhosgailte do Bhuidhnean a' Chrannchuir Nàiseanta a rèir sia prìomh riaghailtean maoineachaidh (fear dhiubh a rèir roghainn) agus measadh cunnart, mar a leanas:

- Càileachd agus Miann adhartais
- Conaltradh
- Co-ionannachdan, Iomadachd agus Ion-ghabhalachd
- Seasmhachd Àrainneachd
- Obair Chothromach
- Eadar-nàiseanta (roghainneil)
- Stiùireadh agus Cunnart

Airson tuilleadh fiosrachadh mu na riaghailtean sin, carson a tha iad cho cudromach agus a thaobh nam buil dan cur iad, thigibh do ar [làrach-lìn](#).

Gus an tuig sinn mar a fhreagras sibh air na riaghailtean, cuiridh an làrach tagraidh air-loidhne sreath de cheistean oirbh ann an roinnean eadar-dhealaichte. Tha e cudromach gun dèiligear ri na raointean gu lèir mus iarr sinn fiosrachadh. Mholadh sinn dhuibh smaoineachadh mu na riaghailtean, agus ma dheidhinn ciamar a tha am fiosrachadh gu lèir a thug sibh a' tighinn còmhla gus sealltainn dhuinn gum freagair ur pròiseact air gach fear dhiubh.

Nuair a sgrìobhar tagradh, tha e cuideachadh corra uair smaoineachadh air mar sgeulachd innse le toiseachd (dè thathas ag iarraidh a dhèanamh agus carson), meadhan (ciamar a nithear e agus cò eile a tha an sàs) agus a' chrìoch (dè bhios eadar-dhealaichte nuair a chrìochnaicheas sibh am pròiseact agus dè an ath rud a dh'fhaodadh tachairt).

## **Mur Bhuidhinn**

Iarraidh sinn oirbh aithris bheag a thoirt seachad mun obair a bhios ur buidheann ris. Innsibh dhuinn beagan mu na prìomh amasan is gnìomhan agaibh, an obair a rinn

sibh roimhe seo, agus mar a chleachdas sibh an t-eòlas agus na sgilean a tha aig a' bhuidheann agaibh sa phròiseact/gnìomh seo. Bidh roghainn ann nas fhaide san fhoirm ceangal a chur de dh'èisimpleirean den obair agaibh no a luchdachadh suas.

Bidh sinn cuideachd a' faighneachd dhuibh mu na dòighean riaghlaidh agaibh. Is e cothrom a tha seo innse dhuinn mar a tha ur buidheann air a stèidheachadh, agus mar a nì sibh cinnteach gu bheil an obair agaibh a' coileanadh amasan is cinn-uidhe na buidhne agaibh.

## **Mun Phròiseact no Gnìomh agaibh**

San earrainn seo cuiridh sinn beagan cheistean bunaiteach oirbh mun tachartas dam bheil sibh a' sireadh taic, leithid a' phrìomh seòrsa ealain no raointean speisealachd sam bithear an sàs agus cinn-là an tachartais agaibh. Seo cuideachd far an iarr sinn ainm agus geàrr mìnèachadh ur tachartais. Na gabhaibh dragh mu bhith a' toirt a-steach tòrr mion-fhiosrachaidh aig an ìre seo – tha cothrom ann barrachd innse dhuinn mu na planaichean agaibh san ath earrann.

## **Càileachd agus Miann adhartais**

San earrainn seo cuiridh sinn ceistean nas mionaidiche oirbh mun tachartas dam bheil sibh ag iarraidh ionmhais agus ciamar dìreach a fhreagras e air ar riaghailtean a thaobh Càileachd agus Miann adhartais.

Tha sinn a' lorg beagan prìomh fhiosrachaidh san earrainn seo mu dè dìreach a bhios sibh ris, carson a tha sibh ag iarraidh a dhèanamh, agus ciamar a dh'obraicheas sibh gus am bithear cinnteach gun gabh an tachartas àite aig sàr-ìre don fheadhainn a bhios na lùib. Innsibh dhuinn mu dheidhinn nan dòighean-obrach a bhios agaibh a thaobh susbaint ur pròiseact. Mar eisimpleir, ma tha obair an lùib ur planaichean (ged bhiodh i an lùib cruthachaidh no coileanaidh) ann an no mu dheidhinn cànan no cultar a bharrachd air Beurla, cànanan dùthchasach na h-Alba nam measg, innsibh dhuinn mun seo.

'S e tomhais pearsanta a tha ann an càileachd, agus chleachd sinn mìnèachadh sònraichte dhan seo, ach beachdaichidh sinn air diofar thaobh. Nam measg tha:

- cò a tha ag obair air an tachartas, agus an t-eòlas, comasan agus/no seallaidhean a bheir iad don obair.
- ciamar a chuidicheas an obair a nì sibh gus am meudaich eòlas agus comasan an fheadhainn a tha na lùib.
- ciamar a bheir sibh piseach air na nì sibh agus na dòighean sam bheileas ag obair mar bhuidheann.

- ciamar a nì sibh amasan do ghnìomh ùr agus mar a thogas sibh air an obair a rinn sibh roimhe
- ciamar a sgrùdas agus a mheasas sibh ur n-obair gus dèanamh cinnteach gun ruig sibh ur cinn-uidhe
- ciamar a bhruidhneas sibh ri càch taobh staigh agus taobh muigh ur buidhne gus an tuig sibh am beachdan air ur buidhinn agus ur n-obair
- ciamar a thuigeas sibh dè tha an fheadhainn leis a bheil sibh ag obair a' meas mar sàr bhuilean, agus ciamar a tha sibh ag obair gus coinneachadh ri na miannan sin
- ciamar as urrainn do na daoine a tha ag obair còmhla ruibh buaidh a thoirt air cruth agus susbaint ur n-obrach

## Conaltradh

Bidh sinn a' faighneachd dhuibh a bheil a' ghnìomhachd a tha sibh a' moladh a' toirt a-steach a bhith a' dol an sàs gu dìreach le daoine eile mar luchd-èisteachd no com-pàirtichean. Bu chòir dhuibh 'tha' a thaghadh an seo ma tha builean poblach sam bith aig a' phròiseact agaibh. Mura h-eil am pròiseact agaibh a' feuchainn ri daoine eile a tharraing an sàs – mar eisimpleir, gu bheil sibh a' dèanamh rannsachadh no trèanadh – faodaidh sibh 'chan eil' a thaghadh airson na ceist seo.

Ma thaghas sibh 'tha', cuiridh sinn beagan cheistean ort mun dòigh-obrach agaibh airson conaltradh le daoine. Tha sinn airson a bhith a' tuigse barrachd mu ciamar a ruigeas sibh orra, dè an dol-a-mach a tha agaibh còmhla riutha agus dè na dh'fhiosraicheas iad. Ma tha sibh a' cur romhaibh obair còmhla ri buidhnean sònraichte de dhaoine, tha sinne airson tuigse ciamar a dh'ullaich sibh ur dèanadas agus sibh a' toirt feart air an cuid feumalachdan. Tha sinn cuideachd airson dèanamh cinnteach gu bheil sibh air beachdachadh air mar a gheibh daoine eòlas math air a' phròiseact agus mar a rinn sibh cinnteach gun tèid clann, daoine òga no inbhich so-leònte sam bith còmhla ris a bheil sibh an dùil obrachadh a dhìon.

Ma thaghas sibh 'chan eil', faighnichidh sinn dhuibh ciamar a chuidicheas an gnìomhachd a tha sibh a' moladh thu gus daoine a ruighinn san àm ri teachd. Mar sin, ma tha sibh a' cur a-steach airson maoineachadh gus beagan ùine a chaitheamh a' leasachadh pìos obrach ùr, bidh sinn airson tuigsinn mar a dh'fhaodadh seo buaidh a thoirt air an obair agaibh le daoine san àm ri teachd, mar eisimpleir le bhith a' comasachadh obair de chàileachd nas àirde, no a' cruthachadh chothroman com-pàirteachaidh ùra no nas ion-ghabhalach do dhaoine eile. No ma tha sibh a' cur a-steach airson taic airson rannsachadh, bidh sinn airson tuigsinn mar a chuidicheas an rannsachadh seo sibh gus luchd-èisteachd ùr a ruighinn.

San earrainn seo faighnichidh sinn mu chruth agus suidheachadh ur pròiseact. Tha sinn airson tuigse ciamar a bheir ur n-amasan a thaobh ruighinn air daoine buaidh air

an dòigh dealbhachaidh a chleachd sibh nur pròiseact. Is dòcha gun toir ur n-amasan oirbh beachdachadh barrachd air daoine a ruighinn gu didseatach, tachartasan ann an làraichean sònraichte, no ur tachartas a' gabhail àite le tuilleadh seiseanan, no iad nas giorra na chleachd, agus an leithid. Ma tha ur gnìomhachd a' tachairt ann an ionadan sònraichte, innsibh dhuinn mar a bheachdaich sibh air ruigsinneachd nuair a thagh sibh na h-ionadan sin.

Tha sinn cuideachd airson tuigse de a' bhuadh a thug ur n-obair air daoine roimhe seo, agus ciamar a thug na fèin-fhiosrachaidhean sin buaidh air ur dol-a-mach san dèanadas seo.

## **Co-ionannachdan, Iomadachd agus Ion-ghabhaltachd (EDI)**

San earrainn seo, cuiridh sinn ceistean oirbh a thaobh ciamar a bheir sibh feart air Co-ionannachdan, Iomadachd agus Ion-ghabhalachd (EDI) ann an diofar thaobhan de ur dèanadas.

Tha sinn airson tuigse a bheil sibh ri dòighean-obrach sònraichte a thaobh EDI nur dèanadas. Is dòcha gur iad cuspairean a bhios agaibh nur dèanadas, buidhnean sònraichte ris am bi ur tachartas a' dèiligeadh, no taobhan eile den dol-a-mach agaibh ceangailte ri EDI gus ur dèanadas a thoirt gu buil. Iarraidh sinn tuigse ciamar a bhuineas an dol-a-mach agaibh ris an dol-a-mach nas fharsaing agaibh aig ur buidhinn a thaobh EDI, agus ciamar a sgrùdas agus a dh'atharraicheas sibh ur n-obair gus am bithear cinnteach gu bheileas a' coinneachadh ri feumalachdan an fheadhainn a tha sibh airson frithealadh.

Tha sinn airson cuideachd airson tuigse ciamar bheir sibh feart air EDI agus sibh a' co-dhùnadh cò leis a dh'obraicheas sibh, agus ciamar a dh'obraicheas sibh còmhla riutha. 'S iad cuid de na nithean a dh'iarradh sinn oirbh mìneachadh an seo, mar a bheachdaicheas sibh air EDI nuair a thaghas sibh na daoine agus na buidhnean leis an obraich sibh, mar a bheachdaicheas sibh air EDI nuair a thaghas ciamar a dh'obraicheas sibh còmhla ri daoine, agus mar a sgrùdas sibh ur seasamh a thaobh EDI nur buidhinn.

Mu dheireadh san earrainn seo, tha sinn airson gum beachdaich sibh mar a thuigeadh sibh na bacaidhean a bhios aig feadhainn a thaobh obair còmhla ruibh no gabhail gnothaich ri ur n-obair. Smaoinichibh feuch a bheil rudan nur dòighean-obrach, na h-àitichean far an obraich sibh, no taobhan den obair a nì sibh as dòcha a dhèanadh e duilich do dhaoine gus ruighinn no gnothaich a gabhail.

Thoiribh an aire, ma tha sibh a' cur a-steach airson gnìomhachd còrr air 12 mìosan, agus ma thèid leibh, mar phàirt de chumhachan na duaise agaibh feumaidh sibh

Maoin Fhosgailte do Bhuidhnean a' Chrannchuir Nàiseanta – Ùraichte sa Ghearran 2023 | 16



plana gnìomh EDI a leasachadh rè ur pròiseact. Mura bi fear agaibh mar-thà, gheibh sibh stiùireadh gus an leithid ullachadh [air ar làrach-lìn](#).

## Seasmhachd Àrainneachd

Tha dèidh againn air seasmhachd an dà chuid a thaobh dè tha sibh ris gus dèiligeadh ri èiginn na gnàth-shìde - a bharrachd air seasmhachd ur gnìomhachais san àm ri teachd. Buinidh na ceistean san roinn seo gu sònraichte ri èiginn na gnàth-shìde, agus ar measadh air ur seasmhachd gnìomhachais suidhichte air measadh ur fiosrachadh phròiseict agus stiùireadh ionmhais.

Tha sinn airson tuigse a bheil taobhan sònraichte aig an dèanadas a tha sibh a' moladh a bhuineas gu làidir ris a' chuspair seo. Is dòcha gum buin cuid de na cuspairean agaibh ri seasmhachd, no gu bheil sibh ag obair ann an dòighean sònraichte gus ur buaidh air an àrainneachd a lùghdachadh. Innsibh mu na dòighean san tug èiginn na gnàth-shìde buaidh air an dòigh san do leasaich sibh ur dèanadas.

Tha sin airson ionnsachadh mu na dòighean sònraichte sam bheil ur buidheann a' feuchainn dha-rìreabh ri ur buaidh carboin a rèir amasan na dùthcha net neonà a ruighinn. Bu chòir dhuibh innse a bheil planaichean no poileasaidhean lùghdachadh carboin aig ur buidhinn, a bharrachd air iomairtean sònraichte dam bheil sibh nur pàirt.

Mu dheireadh, iarraidh sinn ionnsachadh mar a bheachdaicheas sibh air èiginn na gnàth-shìde san stiùireadh buidhne nas fharsaing agaibh. Ma tha dòighean-obrach sònraichte gus dèanamh cinnteach gun toirear feart air a' ghnàth-shìde nur planadh buidhne, mìnich an seo iad. Tha sinn cuideachd airson ionnsachadh cò air a tha uallach na h-obrach seo nur buidhinn, agus ciamar a mheasas agus a thomhaiseas ur n-adhartas a rèir ur n-amasan.

## Obair Chothromach

Iarraidh an earrainn seo oirbh ur seasamh mu Obair Chothromach a mhìneachadh. Tuigidh sinne Obair Chothromach ann an dàimh ri poileasaidh Obrach Cothromaich an Toiseach aig Riaghaltas na h-Alba agus sinn a' beachdachadh air gach taobh den poileasaidh seo, a' gabhail a-steach urram ann an obair, guth èifeachdach agus cothrom na Fèinne, a bharrachd air tuarastal cothromach.

Iarraidh sinn oirbh seasamh ur buidhne a thaobh Obrach Cothromaich thairis air na prìomh phrionnsabail seo. Tha ùidh againn ann an ciamar a bheachdaicheas sibh air Obair Chothromach a thaobh gach neach leis a bithear ag obair nur dèanadas, eadar

prìomh luchd-fastaidh is cuid a bhios ag obair còmhla ribh air pròiseict geàrr-ùine – fiù 's mar saor-thoilich. Ma bhios com-pàirtichean coimhearsnachd no buidhnean a' cur ri susbaint ur pròiseact no dèanadais, iarraidh sinn tuigse ciamar a bheir sibh càil dhaibh airson an tabhartais seo – leithid tro phàigheadh no tuarastal a bharrachd air cosgaisean no cosgais ruigsinneachd.

Faighnichidh sinn dè na poileasaidhean agus dòighean-obrach a tha agaibh a thaobh Obrach Cothromaich, agus ciamar a dh'innsear an leithid don fheadhainn a bhios ag obair còmhla ribh. Tha sinn ag iarraidh tuigse ciamar a thuigeas an fheadhainn a bhios ag obair còmhla ribh agus ciamar a bhios fios aca dè nì iad ma thèid càil ceàrr.

Agus cuiridh sinn corra cheist oirbh a thaobh mar a bhios sibh a' fastadh agus a' pàigheadh daoine. San earrainn seo innsidh sibh dhuinn mar a shuidhicheas sibh ìrean pàighidh don fheadhainn a tha ag obair còmhla ribh, a' gabhail a-steach ìrean pàighidh a chleachdas sibh a mhol an gnìomhachas. Tha sinn cuideachd airson ionnsachadh ciamar a dh'fhastas sibh daoine agus mar a nì sibh cinnteach gu bheil ur poileasaidhean fastaidh soilleir agus follaiseach.

Chan e dleastanas Alba Cruthachail a bhith ag òrdachadh ìrean pàighidh nuair a bhithear ri fastadh, ag obair le agus/no a' coimiseanachadh luchd-ealain agus luchd-cleachdaidh chruthachail. Tha [Stiùireadh Ìrean Pàighidh](#), sgrìobhainn a gheibhear bho làrach-lìn Alba Cruthachail, a' trusadh tùsan stiùiridh air riaghailtean gnìomhachais, ìrean pàighidh aonaidhean agus modhan cleachdaidh bho phrìomh bhuidhnean treòrachaidh. Tha dùil againn gun toir tagraichean iomradh soilleir air ìre freagarrach de phàigheadh ghnothachais anns na buidseatan aca nuair a nì iad tagradh don Mhaoin Fhosgailte do Bhuidhnean a' Chrannchur Nàiseanta.

Thoiribh fa-near mar phàirt de dh'Aonta Taigh Bhòid Riaghaltas na h-Alba, bho 1 Iuchar 2023 feumaidh buidhnean gu lèir a nì tagradh airson maoin bho Alba Chruthachail co-dhiù an fhìor Thuarastail Bith-beò a thoirt do luchd-obrach air am fastadh gu dìreach.

## **Eadar-nàiseanta**

'S e a tha ann an Eadar-nàiseanta ach riaghailt roghainneil, seach is cha bhi rùn aig gach tagraiche obrachadh gu h-eadar-nàiseanta tron dèanadas, dam bithear a' sireadh taic.

Ma bhios sibh ag obair gu h-eadar-nàiseanta, iarraidh sinne tuigse dè an dèanadas a tha seo, càite an tachair e, agus dè iad na h-amasan agaibh don tachartas seo. Tha sinne airson tuigse ciamar a thagh sibh na làraichean seo agus com-pàirtichean ionadail sam bith, agus dè bheir na com-pàirtichean eadar-nàiseanta seo don phròiseact nach gabhadh a dhèanamh ann an Alba.

Tha sinn airson tuigse dè a' bhuidh a bhiodh aig an leithid seo de dh'obair – an dà chuid don fheadhainn a ghabhas gnothaich ri ur n-obair, agus don bhuidhinn agaibh. Mu dheireadh, iarraidh sinn tuigse ciamar a fhreagras an dèanadas eadar-nàiseanta seo ri ur n-amasan a thaobh seasmhachd àrainneachd, agus èiginn gnàth-shìde.

## **Stiùireadh agus Cunnart**

Iarraidh sinn ur dòigh-obrach a thuigse feuch ciamar a stiùireas sibh ur dèanadas gus am bithear cinnteach gun coilean sibh ur n-amasan. San earrainn seo bu chòir dhuibh bruidhinn mu na rinn sibh de dh'obair cheudna roimhe, còmhla ri dòighean-obrach sònraichte a ghabhas sibh gus an dèanadas a mholar an seo a stiùireadh. Iarraidh sinn cuideachd ur dol-a-mach agus eòlas air stiùireadh ionmhais a thuigse, gu h-àraidh ann an seadh ionmhas phoblaich a stiùireadh.

Mu dheireadh, iarraidh sinn ur dòigh-obrach a thuigse feuch ciamar a dhèiligeas sibh ri cunnart. Is dòcha cunnartan air nach cùm sibh smachd, leithid neach a' fàs tinn no, a thaobh tachartas a-muigh, droch aimsir. Is dòcha gur e a bhios annta cunnartan a lùghdaicheas sibh fhèin, samhail dìth dhaoine a' frithealadh ur dèanadas no taisbeanadh, ris an gabh dèiligeadh tro phlana margaidheachd. Agus bidh cunnartan ann a lùghdaicheas sibh – leithid smachd air cho coltach is a bhios e gun goirtich neach an sàs nur pròiseact iad fhèin, le dèanamh cinnteach gun cumar deuchainnean agus coinneamhan sàbhailteachd. Anns gach suidheachadh iarraidh sinne ionnsachadh dè na prìomh chunnartan a tha ron pròiseact agaibh, agus ciamar a chumas sibh smachd orra gus nach bi e cho coltach gun tachair iad agus nach toir iad buaidh air soirbheachas ur dèanadais san fharsaingeachd.

Iarraidh sinn oirbh cuideachd measadh cunnairt do ur dèanadas a luchdachadh fhathast sa bhileig.

## **Buidseat**

**Nuair a lìonas sibh an earrann seo smaoinich air:**

- **A bheil am buidseat agaibh a' cothromachadh?**
- **A bheil sibh a' pàigheadh daoine gu cothromach?**
- **Ciamar a tha sibh air ur cosgaisean obrachadh a-mach?**

Anns an earrainn seo faighnichidh sinn dhuibh dè an ìre airgid a tha sibh ag iarraidh bho Alba Chruthachail agus iarraidh sinn oirbh geàrr-chunntas a lìonadh. Thèid iarraidh air a h-uile tagraiche cuideachd buidseat nas mionaidiche a thoirt seachad agus a luchdachadh suas mar sgrìobhainn taic.

Annas a h-uile loidhne buidseit, thoir nas urrainn dhuibh de mhion-fhiosrachadh mu mar a thàinig sibh chun an àireimh seo. Mar eisimpleir, airson cìsean bidh sinn airson faighinn a-mach dè an ùine a tha seo a' còmhach agus dè an ìre a mhol gnìomhachas a tha sibh air a chleachdadh; airson fastadh stiùidio no uidheamachd tha sinn airson faighinn a-mach dè cho fada 's a tha sibh a' fastadh seo agus a bheil seo stèidhichte air suim bho sholaraidhe no air tuairmse. San aon dòigh, ma tha sibh a' gabhail a-steach teachd-a-steach bho thùsan eile, leigibh fios dhuinn cò às a tha an t-airgead seo a' tighinn agus a bheil e air a dhearbhadh no ma 's e dìreach tuairmse a tha ann. Airson reic sam bith (leithid tiogaidean, leabhraichean, clàran, obair-ealain no clò-bhualaidhean), thoiribh cunntas mionaideach air cia mheud reic air a bheil seo stèidhichte agus dè an teachd a-steach airson gach reic.

Airson pròiseactan a tha a' gabhail a-steach ceannach uidheamachd no caiteachas calpa beag eile, iarraidh sinn beagan fiosrachaidh dhuibh air mar a thagh sibh na nithean sa bhuidseit agaibh, agus mar a bheachdaich sibh air seasmhachd àrainneachail nuair a tha sibh gan taghadh. Bu chòir dhuibh cuideachd beachdachadh air mar a tha sibh a' dèanamh cinnteach à luach as fheàrr bho cheannach uidheamachd sam bith, mar eisimpleir tro thairgse.

## **Nota mu Cosgaisean Ruigsinneachd**

Ma tha sibh a' gabhail a-steach cosgaisean ruigsinneachd sa bhuidseit agaibh, thoir an aire gu bheil dà sheòrsa de chosgaisean ruigsinneachd ann.

## **Cosgaisean Ruigsinneachd Pearsanta**

Ma tha sibh fhèin, no cuid eile den prìomh luchd-compàirt an lùib cruthachaidh agus a' treòrachadh an dèanadais

- Bodhar
- le ciorram
- Uathach
- le tinneas ùine fhada no le fìor dhroch shlàinte

is dòcha gum bi cosgaisean a bharrachd agaibh a thaobh ur feumalachdan ruigsinneachd fhèin gus am pròiseact a thoirt gu buil. Mar eisimpleir:

- neach-mìneachaidh Cànan-soidhnidh Bhreatainn (BSL)
- uidheamachd no bathar-bog sònraichte
- Neach-cuideachaidh Pearsanta do neach le ciorram.

Làimhsichear cosgaisean ruigsinneachd pearsanta air leth bho ur prìomh bhuidseat phròiseict agus san fhoirm-iarrtais iarraidh sinn oirbh iad sin a thoirt seachad air leth,

còmhla ri aithris ghoirid a dh'innse dhuinn dè an taic a bhios anns na cosgaisean. Thoiribh fa-near nach mheasar iad mar phàirt de ur tagradh airgid.

## **Cosgaisean Inntigidh a' Phròiseict**

Bu chòir cosgaisean ruigsinneachd pròiseict eile a chuir ri earrann Cosgaisean a' Bhuidseit sa bhileag tagraidh, a' cleachdadh a' chinn 'Cosgaisean Ruigsinneachd a' Phròiseict'. Tha seo a' gabhail a-steach cosgaisean sam bith airson ur gnìomhachd a dhèanamh ruigsinneach do luchd-èisteachd, com-pàirtichean agus luchd-ealain, agus cosgaisean co-cheangailte ri cùram chloinne agus dleastanasan cùraim eile.

## **Sgrìobhainnean Taic agus Fiosrachadh a Bharrachd**

Faodaidh a' mhaoin seo taic a thoirt do raon farsaing de ghnìomhachd agus chan urrainn dhuinn a h-uile suidheachadh a mhìneachadh san stiùireadh seo. Airson pròiseactan a tha ag iarraidh barrachd airgid no a tha nas iom-fhillte, is dòcha gum bi feum aig an oifigear measaidh air cuid de sgrìobhainnean a bharrachd gus am bi iad comasach làn mheasadh dè cho math sa tha am pròiseact agaibh a' coinneachadh ris na slatan-tomhais againn.

Dh'fhaodadh gum bi barrachd fiosrachaidh anns na sgrìobhainnean seo mu dhaoine còmhla ris a bheil dùil agaibh a bhith ag obair; planaichean margaidheachd; measaidhean cunnairt; no clàr-ama nas mionaidiche; – tha e an urra ri nàdar a' phròiseict agaibh agus an ìre leasachaidh a tha ann an-dràsta. Chan iarr sinn oirbh ach sgrìobhainnean a bhiodh sinn an dùil gu reusanta a bhiodh agaibh aig an ìre seo de phlanadh a' phròiseict no na gnìomhachd agaibh.

Tha an liosta de stuthan taice a tha a dhìth mar a leanas:

### **Aig àm clàraidh airson tagradh**

- Fianais air Seòrsa Buidheann/Companaidh/Carthannach (Riatanach)
- Poileasaidh Co-ionannachd Chothroman (Riatanach)

### **Mar phàirt den tagradh agaibh**

- Fiosrachadh com-pàirtiche / CB de cho-obraichean (Roghainneil)
- Buidseat (Riatanach)
- Measadh Chunnartan (Riatanach)
- Eisimpleirean de dh'obair
- Sgrìobhainnean Taic Eile
- Poileasaidh Dìon (Riatanach, ma thathar ag obair le daoine so-leònte)
- Stuthan iomchaidh eile

# Pròiseas Co-dhùnaidh

## Dè thachras don iarrtas agam às dèidh a chuir a-steach?

### Dìreach às dèidh a chuir a-steach:

Aon uair 's gun cuir sibh a-steach an tagradh agaibh tron làrach air-loidhne, gheibh sibh àireamh iomraidh (a' tòiseachadh le CS-OFFO-XXXXX-XXXX) agus cuirear post-d thugaibh gus dearbhadh gu bheil sinn air ur tagradh fhaighinn. Mura faigh sibh am post-d no an àireamh iomraidh seo, thoiribh sùil air na pasganan sgudail/spam agaibh agus cuir fios chun t-Seirbheis Cheistean againn.

### A' chiad ìre, sgrùdadh airson ion-roghnachd agus iomlanachd

Faodaidh seo a ghabhail suas ri 10 làithean obrach a rèir na tha de thagraidhean san t-siostam. Mura h-eil an tagradh agaibh coileanta, cuirear fios thugaibh agus innsear dhuibh mun fhiosrachadh a tha a dhìth. Bheir sinn 10 làithean obrach dhuibh airson am fiosrachadh seo a thoirt seachad, air neo bithear den bheachd gu bheil an tagradh agaibh neo-choileanta agus cha mheasar e. Ma thachras seo thèid fios a chur thugaibh, leis na h-adhbharan agus cha tèid an tagradh agaibh air adhart nas fhaide.

### Measadh Oifigearan

Thèid a h-uile tagradh iomchaidh a chuir gu oifigear measaidh aig a bheil eòlas a bhuineas don iarrtas agaibh. Nì iad ath-sgrùdadh mionaideach air an tagradh. Aig an ìre seo, tha e comasach fhathast gum bi oifigear measaidh a' comharrachadh tagradh neo-dhligheach. Ma thachras seo, cuiridh sinn post-d thugaibh agus innsidh sinn dhuibh carson.

Airson a h-uile tagradh iomchaidh, bheir an t-oifigear measaidh measadh air an fhiosrachadh gu lèir a chaidh a thoirt seachad. Faodaidh iad beachdan a bharrachd iarraidh bho cho-obraichean eòlach eile. Às dèidh seo, nì iad moladh a rèir a bheil an tagradh a' coinneachadh ri slatan-tomhais maoineachaidh agus prìomhachasan na maoine. Thèid am moladh seo a chur a-steach gu Bòrd Maoineachaidh airson beachdachadh còmhla ri tagraidhean eile.

### Bòrd Maoineachaidh

Bidh bùird maoineachaidh a' coinneachadh tron bhliadhna agus tha a' bhallrachd air a dhèanamh suas de luchd-obrach Alba Chruthachail bho air feadh na buidhne. Tha buidseat suidhichte aig gach Bòrd Maoineachaidh ri riarachadh, agus tha iad ag amas air na ghabhas de thagraidhean a mhaoineachadh bhon fheadhainn air a bheilear a' beachdachadh a thathar gam moladh airson maoineachadh.

Beachdaichidh am bòrd air airidheachdan fa leth gach tagraidh mar a tha air a mhìneachadh sa mheasadh, nì iad sgrùdadh air neartan coimeasach agus buaidh gach

tagraidh an co-cheangal ri tagraidhean eile, agus rannsaichidh iad na dòighean anns am faod am pròiseact dèiligeadh ri àrd-amasan is prìomhachasan Alba Chruthachail (mar a chaidh fhoillseachadh nar plana bliadhnail), uile mu choinneamh buidseit na coinneimh sin.

Tha iarrtas airson maoinachadh an-còmhnaidh nas àirde na am buidseat a tha ri fhaotainn, agus mar sin co-dhùinidh am Bòrd dè na h-iarrtasan a tha a' tabhann an ìre as làidire airson ar slatan-tomhais maoinachaidh.

## Co-dhùnadh Maoinachaidh

### Tagraidhean Uile

Goirid às dèidh don Bhòrd Maoinachaidh coinneachadh, leigidh sinn fios dhuibh mu thoradh an tagraidh agaibh.

Tha sinn ag amas air freagairt taobh a-staigh 8 seachdainean bhon deach an tagradh a chur a-steach airson tagraichean aig an ìre £1,000 gu £20,000. Airson thagraichean a tha a' sireadh eadar £20,001 agus £100,000 bheir sinn dhuibh co-dhùnadh taobh a-staigh 12 seachdainean bhon deach tagradh a chur a-steach.

### Tagraichean soirbheachail

Ma gheibh an tagradh agaibh maoinachadh, gheibh sibh fiosrachadh mun duais agaibh, agus cumhachan tabhartais sam bith a chuir am measadair no am bòrd maoinachaidh ris. Thèid cùmhnant maoinachaidh a thoirt dhuibh cuideachd.

*Cùmhnantan* – faodaidh am measadair no am bòrd maoinachaidh cumhachan a chur ri pàigheadh na duaise agaibh. Is iad seo rudan a dh'fheumas sibh a chur a-steach gu Alba Chruthachail gus an duais agaibh fhaighinn agus dh'fhaodadh gum bi iad nam fianais air rudeigin a dh'innis sibh dhuinn san tagradh agaibh (leithid maoinachadh bho thùs eile, no àrachas) no prìomh ìre a dh'fheumadh sibh a chrìochnachadh gus am bi am pròiseact agaibh comasach (leithid taghadh prìomh neach-ealain).

*Molaidhean* – 's iad seo beachdan bhon mheasadair no bhon bhòrd maoinachaidh a tha iad a' moladh dhuibh beachdachadh air gus ur cuideachadh le bhith a' coileanadh amasan a' phròiseict agaibh. Chan fheum sibh sealltainn dhuinn gu bheil sibh air a' mholadh a leantainn.

Ma tha ceist sam bith agaibh mu chumhachan agus/no molaidhean, faodaidh sibh fios a chuir chun oifigear measaidh agaibh, agus bidh am fiosrachadh aca air a ghabhail a-steach leis an tairgse maoinachaidh agaibh.

### Ciad pàigheadh

Aon uair 's gu bheil sibh air an aonta maoinachaidh agaibh a thilleadh agus air

cumhachan sam bith a choileanadh, agus am fiosrachadh banca agaibh air a dhearbhadh, bheirear a' chiad phàigheadh agaibh. Mar as trice bidh seo 75% den tabhartas ach airson duaisean àrd-ìre no iomadh -bhliadhnail thèid seo a dhearbhadh tron phròiseas measaidh mar fhreagairt air mion-fhiosrachadh an tagraidh agaibh.

### **Pàigheadh mu dheireadh**

Aon uair 's gu bheil sibh air ur pròiseact a chrìochnachadh feumaidh sibh an Aithisg Deireadh Pròiseact a lìonadh gus innse dhuinn mar a chaidh am pròiseact, atharrachaidhean sam bith a rinn sibh air na planaichean tùsail agaibh agus a bheil airgead sam bith agaibh air fhàgail. Bidh an teampalaid Aithisg seo ri fhaighinn tron chunntas agaibh air an làrach air-loidhne. Aon uair 's gum faigh sinn seo agus air a dhearbhadh leis an oifigear measaidh agaibh, thèid pàigheadh sam bith air fhàgail a thoirt seachad.

### **Tagraichean neo-soirbheachail**

Mura builichear maoin air an iarrtas agaibh, cuirear fios thugaibh mu dheidhinn seo, le beagan fios air ais bhon mheasadair agus/no bhon bhòrd maoin eachaidh.

Faodaidh sibh iarraidh gun coimhead sibh air a' mheasadh slàn agaibh agus faodaidh sibh tagradh a-rithist airson an aon phròiseact aon uair. Ma thagras sibh a-rithist, faighnichidh sinn dhuibh ciamar a dhèilig sibh leis an fhios air ais bhon tagradh tùsail agaibh, agus a bheil sibh air atharrachadh mòr sam bith eile a dhèanamh air a' phròiseact agaibh. Measar an ath-thagradh agaibh san aon dòigh ris a h-uile tagradh eile. Mura h-eil sibh soirbheachail an dàrna turas, chan urrainn dhuibh tagradh a dhèanamh gu Maoin Fhosgailte do Bhuidhnean a' Chrannchuir Nàiseanta airson an aon phròiseact a-rithist.



# Eàrr-ràdh – Ceistean Tagraidh

## Mun Bhuidhinn Agaibh

- 1 Ciamar a mhìnichheadh sibh na buidhnean agaibh, na h-amasan agus na prìomh ghnìomhan aca?
- 2 Dè na modhan riaghlaidh a tha aig ur buidhinn?
- 3 Ur Pròiseact – Àitichean (tagh a h-uile àite far an tachair ur gnìomhachd)
- 4 Ur Pròiseact – Prìomh Chruth Ealain (taghaibh prìomh chruth ealain)
- 5 Ur Pròiseact – Cruthan Ealain Eile (taghaibh cruthan ealain sam bith eile anns a’ phròiseact / phrògram agaibh)
- 6 Dè an t-ainm a tha air a’ phròiseact neo a’ gnìomhachd agaibh?
- 7 Geàrr-chunntas air a’ phròiseact neo a’ gnìomhachd agaibh? (Mu 150 faclan)
- 8 Cinn-là tòiseachaidh / crìochnachaidh (tagh cinn-là tòiseachaidh is crìochnachaidh airson ur pròiseact no gnìomhachd)

## Càileachd agus Miann adhartais

- 1 Innsibh dhuinn mun gnìomhachd air a bheil sibh a’ cur a-steach, a’ sealltainn mar a tha e a’ nochdadh càileachd agus miann na h-obrach agaibh mar bhuidheann (Suas ri £20k - mu 1000 - 1500 faclan; £20k gu £100k - mu 1500 - 2500 faclan)
- 2 Innsibh dhuinn mun phròiseact no gnìomhachd air a bheil feum agaibh air maoineachadh. (Suas gu £20k – mu 300 faclan; £20k gu £100k – mu 450 faclan)
- 3 Innsibh dhuinn mar a leasaich sibh an gnìomhachd a tha sibh a’ moladh. (A h-uile tagraiche – mu 450 faclan)

## Conaltradh

Am bi sibh a’ conaltradh ri daoine mar luchd-èisteachd no com-pàirtichean tron phròiseact agaibh? (Bidh/Cha bhi)

- 1a MA ‘BHIOS’ - Innsibh dhuinn cò ris a bhios ur gnìomhachd an sàs, ciamar a dh’obraicheas sibh leis na daoine sin, agus mar a tha sibh am beachd an ruighinn. (A h-uile tagraiche – mu 450 faclan)
- 1b MURA BI - Ciamar a chuireas ur gnìomhachd a tha san amharc ri ur comas conaltradh le daoine mar luchd-èisteachd no com-pàirtichean san àm ri teachd? (A h-uile tagraiche – mu 450 faclan)
- 2 Ciamar a bheachdaich sibh air cruth agus suidheachadh nuair a bha sibh a’ leasachadh ur gnìomhachd? (Suas gu £20k – mu 300 faclan; £20k gu £100k – mu 450 faclan)
- 3 Cò a tha air a bhith an sàs san obair agaibh san àm a dh’fhalbh, dè na buannachdan a thug an obair a rinn sibh roimhe seo dha na daoine/buidhnean sin, agus ciamar a tha fios agaibh? Ciamar a tha am prògram seo a’ togail air na buannachdan sin neo gan leudachadh gu daoine ùra? (Suas gu £20k – mu 300 faclan; £20k gu £100k – mu 450 faclan)

## Co-ionannachdan, Iomadachd agus Ion-ghabhalachd

- 1 Dè an dòigh-obrach agaibh a thaobh Co-ionannachd, Iomadachd agus Ion-ghabhail sa ghnìomhachd a tha sibh a' moladh? (Suas gu £20k – mu 300 faclan; £20k gu £100k – mu 450 faclan)
- 2 Ciamar a tha sibh a' beachdachadh air Co-ionannachd, Iomadachd agus Ion-ghabhail ann an co-theacs an fheadhainn a dh'obraicheas leis a' bhuidhinn agaibh? (Suas gu £20k – mu 300 faclan; £20k gu £100k – mu 450 faclan)
- 3 Ciamar a thuigeas sibh na bacaidhean a tha air daoine a bhith an sàs san gnìomhachd agaibh, agus ciamar a tha sibh ag obair gus iad sin a thoirt air falbh? (Suas gu £20k – mu 300 faclan; £20k gu £100k – mu 450 faclan)

### **Seasmhachd Àrainneachd**

- 1 Dè an dòigh anns a bheil sibh a' dèiligeadh ri adhbharan agus buaidhean atharrachadh gnàth-shìde taobh a-staigh na gnìomhachd a tha sibh a' moladh? (Suas gu £20k – mu 300 faclan; £20k gu £100k – mu 450 faclan)
- 2 [Tagraichean THAR £20k a-mhàin] Dè na gnìomhan a tha sibh a' gabhail a lughdaicheas sgaoilidhean a rèir slighe gu Net Neoni? (Mu 300 faclan)
- 3 Ciamar a thathar a' beachdachadh air èiginn na gnàth-shìde anns na cleachdaidhean riaghlaidh agaibh?  
(A h-uile tagraiche – mu 450 faclan)

### **Obair Chothromach**

- 1 Innsibh dhuinn mun dòigh-obrach agaibh a thaobh Obair Chothromach ann an co-theacsa na buidhne agaibh agus na gnìomhachd a tha sibh a' moladh (Suas gu £20k – mu 300 faclan; £20k gu £100k – mu 450 faclan)
- 2 [Tagraichean THAR £20k a-mhàin] Dè na poileasaidhean no aithrisean a tha agaibh a thaobh prionnsabalan Obair Chothromach agus ciamar a tha iad sin gan cur an cèill taobh a-staigh na buidhne agaibh agus ris na daoine còmhla ris a bhios sibh ag obair? (Mu 450 faclan)
- 3a An e fastaiche Fìor Thuarastal Bith-beò (RLW) a tha annaibh? ('S e/Chan e)
- 3b Dè na h-ìrean pàighidh gnìomhachais a thathar a' moladh air a bheil sibh a' toirt iomradh nuair a bhios sibh a' pàigheadh: Luchd-obrach air Cùmhnant; Luchd-obrach Neo-cheangailte; Luchd-ealain Coimiseanaichte
- 4a Ma tha sibh a' fastadh dhaoine airson a' phròiseict agaibh, ciamar a nì sibh cinnteach gum bi pròiseas fastaidh soilleir agus follaiseach ann a tha a' nochdadh deagh chleachdadh? (Mu 300 faclan)
- 4b Am bi sibh a' cleachdadh cùmhnantan gun uairean le neach sam bith den luchd-obrach fo chùmhnant? (Bidh/Cha bhi)  
Ma bhios, mìnich carson a tha cùmhnantan uairean neoni iomchaidh don gnìomhachd agaibh.  
(Mu 300 faclan)

### **Eadar-nàiseanta (roghainneil)**

A bheil gnìomhachd eadar-nàiseanta sam bith anns a’ phrògram agaibh? (Bidh/Cha bhi)

Ma bhios

- 1 Dè an gnìomhachd eadar-nàiseanta agaibh a tha san amharc agus càite an tachair e?  
(Suas gu £20k – mu 450 faclan; £20k gu £100k – mu 600 faclan)
- 2 Cò na com-pàirtichean eadar-nàiseanta agaibh agus dè a bheir iad don phròiseact?  
(Suas gu £20k – mu 300 faclan; £20k gu £100k – mu 450 faclan)
- 3 Dè a’ bhuaidh a bhios aig ur gnìomhachd eadar-nàiseanta dhuibh fhèin, don luchd-èisteachd, chom-pàirtichean eadar-nàiseanta agaibh agus/no do na roinnean cruthachail is cultarail san fharsaingeachd?  
(A h-uile tagraiche - mu 300 faclan)
- 4 Ciamar a tha an dòigh-obrach agaibh a thaobh obair eadar-nàiseanta a’ buntainn ris na geallaidhean agaibh a thaobh seasmhachd àrainneachail?  
(A h-uile tagraiche - mu 300 faclan)

### **Stiùireadh agus Cunnart**

- 1 Ciamar a stiùireas sibh ur gnìomhachd a tha san amharc gus dèanamh cinnteach gun coinnich sibh ris na h-amasan agaibh? (Suas gu £20k – mu 300 faclan; £20k gu £100k – mu 450 faclan)
- 2 Ciamar a nì sibh cinnteach gu bheil airgead poblach air a riaghladh gu math agus gum faighear luach an airgid? (Suas gu £20k – mu 300 faclan; £20k gu £100k – mu 450 faclan)
- 3 Ciamar a tha sibh air cunnart a chomharrachadh agus a lasachadh nuair a bhios sibh a’ dealbhadh ur gnìomhachd? Ciamar a chumas sibh sùil air na cunnartan sin rè ur gnìomhachd? (A h-uile tagraiche – mu 450 faclan)

### **Cosgaisean Inntigidh**

A bheil feum agaibh air cosgaisean ruigsinneachd pearsanta? (Tha/Chan eil)

Ma tha, dè na cosgaisean ruigsinneachd pearsanta iomlan a tha sibh ag iarraidh?

Thoiribh seachad briseadh sìos de na cosgaisean ruigsinneachd pearsanta sin. (Mu 200 faclan)

### **Buidseat**

Dè am buidseat iomlan a tha aig a’ phròiseact/gnìomh? (gun a bhith a’ toirt a-steach cosgaisean ruigsinneachd pearsanta)

Dè an ìre airgid a tha sibh ag iarraidh bho Alba Chruthachail?

A bheil uidheamachd no cosgaisean calpa beaga anns a’ bhuidseit agaibh?  
(Tha/Chan eil)

- 1 Ma tha, ciamar a thagh sibh na nithean sa bhuidseit agaibh?  
(A h-uile tagraiche - mu 300 faclan)

- 2 Ciamar a bheachdaich sibh air seasmhachd àrainneachd nuair a tha sibh a' taghadh na nithean sa bhuidseit agaibh? (A h-uile tagraiche - mu 300 faclan)

**Clàr Buidseat Teachd a-steach Iomlan**

**Clàr Buidseat na Chosgar Iomlan**

**Luchdaichibh suas sgrìobhainnean taice.**

## **Eàrr-ràdhan**

Gheibhear na h-eàrr-ràdhan airson na maoin seo agus fiosrachadh air mar as urrainn dhuinn taic a thoirt dhuibh gus tagradh a dhèanamh air an làrach-lìn againn:

[Maoin Fhosgailte do Bhuidhnean a' Chrannchuir Nàiseanta | Alba Chruthachail](#)